

SIAYĖKEMACA SIABAI KĖOJĖNA KAYAYE KUI'NE JĖNA, PAIYE KAWESOSE'EPI SIAYE TUTU PAYE JAI TSUTSUPĖA OMETĖKANA

NUĖNEREPA SIA'WE'ŅA CAHUESOSE'E MAI PAI KĖKOPAYE

Kaya jĖňa kou KĖna ometĖkawĖ sia'we'ňa sewojĖ kui'ne canĖowĖ si'aye pai paija'ňe tutukĖ'ye, ĭti kĖaye kato pai'ji iye ņese saieoni. Icona tsoe paikona ņajĖ, jaipai tsi'sisito kakua'i sĖňĖ ĭti toyapĖpĖ kĖawesojĖ'Ė sia'we'ňa, jamaka ņasiko paija'kore siapai, kui'ne kĖajĖ paija'cua'ire toyaja'o ye'yewe'ňaje, yeke pa'yea'Ė kajĖ ņaňeje peoye ĭ wa'i kuasajĖ nese'e yekĖ yeja pai.

Ja'ą wĖoko

Kase'epi de'oye, kĖne kui'ne jeoňe payĖ jaje, sia'we'ňa ņase'erepare sa'nawĖ payĖ sia'yĖ'kĖ maka tutu, kui'ne sioma'ňerepare sia'pai tsĖkapĖ pai'ye.

Jaje paikĖta'a kuasayĖ ņama'ayepi kui'ne oima'ayepi, pa'iji sia'paire, japi ai jaiye ņese saniwesĖji pai pa'ijĖ kuasaye, kui'ne aijerepa kawesose'pi, jaje pa'ina kokase'e kayĖ de'oye pa'iyे kui'ne de'oye pa'iyĖ kuasajĖ sewoye.

Jaje paise're yure kato ņasikua'irepa kui'ne kĖkopakua'i pa'iyе pa'iji, kua'ye pa'ise'e jeoni paimakata'a pa'iyе pa'iji nejo ma'kua'i.

Jamakata'à ņese de'oyerepa ņese saiĖ siwajĖ kui'ne pa'iyĖ yekĖwe'ňa ņasikua'irepa.

YekĖwe'na yejaňa kato de'oyerepa kuasani kuinaoni kanĖowesĖwĖ. Toya ja'wana pai tutukĖiwa'i paija'ne, de'oyerepa kui'ne iwa'irepa'Ė kajĖ, si'ayĖkĖmaka ĖmĖowa'i kui'ne nomiowa'ĭje koni, tsoe jaje pa'ina jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyerepapi si'aye kuasajĖ, tsi'sisikua'ija're kawesĖ ja'ňe, si'aye oiye kui'ne tutukĖ'yerepa pa'ija'ňe jamakata'a kuade'oye pa'iyе pa'iji pal.

Iye kato kuasase'ea'Ė si'aye tutupa'iyе, jaje pa'ina iye kato ai de'oyerepa'Ė ĭti ņese saija'ňere kuasajĖ sewowesĖse'ea'Ė.

Tsi'sini jai pai koka kako

JĖaye kawesoyĖ yure

Si'aye paj tutu pa'iyе kĖawesosikua, ikore kato si'a daripĖa kui'ne jaiwe'ňaje nesaoye pa'iji, te'owa'imaňaje kui'ne kua'me kokaiwe'ňamaňaje, ņese saye pa'iji de'oye kajĖ, jamakata'a si'adaripĖa pa'iyе pa'iji de'oye kui'ne yeja pa'iyе cĖni kĖkojĖ.

Te'o ako kĖaye.

Si'apai aide'oyĖ kua'ye peoye kui'ne siayĖ'kĖ maka pa'iyе kui'ne tutupaye koni, jaje kuasase'sĖtepi kuaju'i'ne peoye ņese saiye pa'iji kĖkaijĖ yekĖ paireje.

Kayaye ako kĖaye

Si'a pai payĖ tutu kui'ne kua'ye peoye yure ikore ai jĖaye kawesosido'ire, jaje pa'ina ņaňe peoji yekĖ paiňa'Ė kajĖ, iyeje pa'yere, paj, koka, iowa'i pa'iyе, kuasaye, pani iyese'e kayepaňĖ kuasia'ye pa'ye, kuri pa'ye, aideo'ye kui'ne kuasi'aye pa'iyе.

Kui'ne yekeje pajakua'ia'Ė kaye yeke iwa'i kuasayepi iyea'Ė kajĖ aijaidaripĖa sia'we'ňaje panije yeja paiňeje ĭti paipi kuasajĖ neňe pa'iji, jai daripĖa kaye kato te'owaise're kaňeje pa'yea'Ė, iwa'ise'e kuasayepi neĭĖ.

Toasoňe ako kĖaye.

Teo'wa'ĭje payĖ de'oye tutu pa'iyе, kua'ye peoyeje koni, kui'ne kĖcojĖ paj pa'iyе.

Kajese'e ako kĖaye.

Si'awa'i pa'iyе peoji kua'ye jĖaye pa'ye kajĖ, kui'ne kua'ye yo'okuaňuňeje peoji, iye kato Ėsese'ea'Ė sia'ye pa'ye.

Te'jĖtĖ ako kĖaye.

Jare si'apai kua'ye yo'okuaňoňe tipeoji, tĖ'caye, tseaňe, wanijeaňe panije ai kuaye pa'ye.

Te'e jĖtĖ ĖjatupĖ kĖako.

Si'apai payĖ tutu, sia'we'ňa kui'ne ņakuaňuňeje pa'iji pai karepase'e pa'iyе.

ĖjatupĖ kĖnope.

Si'apai pa'iyĖ sia'yĖ'kĖmaca kui'ne payĖ yekua'ia'Ė kaye peoye, jaje pa'ina Si'awa'i payĖ tutu karepaye akĖpai kĖ'ro. Jaje pa'ina maj tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ňe.

Kayaye te'ejĖtĖ ako kĖaye.

Si'a pai tutu payĖ de'oye pa'iyere kuasajĖ yekĖwe'ňa saňupe kajĖ, maj kase'pi kokaijakĖ kua'ye yo'oma'kuai'ni kajĖ mai tutu kĖ'ye paiye, jeje paina maire toyapĖpĖpi kakorepa pa'ĭjakĖ.

Te'e jĖňa ĖjatupĖ peoye kĖako.

Jare peoji mal tsea kuaňuňe.

Kaya jĖňa ako kĖako.

Si'a pai payĖ deoye paiye, si'ayĖ'kĖmaka paiye, jamakata'a sia'we'ňa asasaoye pa'iji kui'ne oirepayepi kua'ye paise'eje carojaiye pa'iji kui'ne kuaňeňe paiji neňaňe paiji kuasia'ye pa'ye ĭti kase'e sa'ňe pa'iyе.

KayajĖňa te'o ako kĖako

Si'a pai kua'ye yo'o sikua'i payĖ tutu iwa'i yo'ose'e jayuta'a ĭti ņati'aňe pa'iji do'ikĖ'ye, ĭti kase'je paiye, kui'ne kaye paiji sia'we'ňa jamaka kase'repa pa'iji tutu pa'ye.

Si'a pal peoji kua'ye paye painije siokuaňuňe ja yuta'a ņati'ama'maka kato, jaje pa'iji tutu pa'ye yekĖ daripĖa paiyeje. Jaje paina peoji maipi caye de'oye nede'wa'Ėĭje pa'yere aijerepa kua'yena saiye peoye.

Kaya jĖňa kayaye ako kĖaye.

Mai teowa'i paiye kato peoji kaye kua'maňa'Ė kajĖ ņese kaye, mai tsĖkapĖreje, mai paiwe'ňaje panije ise'e pa'ito peoji kua'aye neňeje peoji ĭpi kuasakĖ pa'iyе. Jaje pa'ina si'a paj payĖ de'oye pa'iyе, jaje paina nejo jeoňe paiji kua'ye paise'e.

Kaya jĖna kayaye te'o kako kĖaye.

Si 'a paj payĖ deoye daoye sia'we'ňa kui'neje yeja pĖaňeje koni.

Si 'a pai payĖ tutu kuasi'adaripĖa, ipaidaripĖ, jaje saisikĖre ta'a ko'iyе pa'iji i maj daripĖna.

Kaya jĖňa ĖjatupĖ peoko ako kĖaye.

Kue'kua'i pa'ito, sia'pai payĖ tutu kĖ'ye payĖ katiye paiji kuasia'yejaňa, jamaka siwajĖ pa'iyе pai'ji ĭti ku'ase'e.

Iye pa'ye kato peoji sa'ňe kua'ye neňe, kua'ye payena, panije sa'ňe kayeje peoji yekĖ jaiwe'ňa pai yejaňa'Ė kajĖ.

Kaya jĖňa yekĖ jĖtĖ ako kĖaye.

Si 'a paije tutu payē pai paiyerepa

Jare peoji ēseye i pa'iwe'ña yeja akēre, yekeje tipeoji kaye yēkē pa'iñeje paijē'ē kajē.

Kaya jēña yekē jētē te'o ako kēaye.

Ēmēowa'i kui'ne nomiowa'i, jayuta'a ēañawēomakapi tsoe payē tutu, kaye peoji kaje paina'ē, iti pai'ē kajē wejaye, jamaka wejani siwajē pa'ie pa'iji kuineje pa'iji jeokoni de'oye pa'ie itibi jaje pa'ito.

Iwa'ise'e kuasajē kui'ne ējēpaija'kēpi kuasani wejaye pa'iji.

Paitsēkapē Kato de'oye paiyere'pa'ē jaje paina ñacairepayē sia'we'ña akē pa'ije.

Kaya jēña yekē jētēkayaye ako kēaye.

Si'a pai payē tutu pa'ie yeja, te'iwa'i kui'ne si'apai de'otsēcāpēa.

Jare peoji yē'ē tsekua yeja kajē ēseye.

Kaya jēña yekē jētēkayaye te'o ako kēaye

Si'apai payē iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ñana, panije te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jēña yekē nēkayo beoko ako kēaye.

Te'owa'ije de'oye payē iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujē paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jēña-nēkañua

Si'awa'i te'owaise'e tsi'sini koka kaye payē kuasia'hue'ña.

Jare peoji kuañeñe yekē tsēkapēna tsioni paiye.

Jēna-nēkañua - te'o

Si'a pai payē tsiojaiye mai akērepa kē'ro, ikē'rorepana te'repapi panije yekē paija're koni iti ñakēja're.

Si'a pai tutupayē si'ayēkēmaka paiye kua'me nedojaye mai paiwe'ña yeja.

Itidaripēa paikua'i kato payē sia'we'ña akua'i kayere, iye kato kokaiji kaji mai ējaēwa'irepare mēojē saiye, iti mēoñe kato neñē yawese're, japi kokaiji de'oye karepayepi mēose'e.

Jēña-nēkañua kayaye

Si'a pai, ititsēkapēje paiwa'i payē kadēose'repare kuasi'aye kui'ne jaje pa'ina si'a akēpai kokaiye paiji, ja tutu do'ire kuasajē, jaje pa'ina tsoe kuasase'pi kuri pa'ie, kuasi'aye kui'ne maipaiye, iye kato mai kuasayepi nesaōjē paiye paiji sia'yēkē maca pa'yepi .

Jēña-nēkañua toasoñe

Si'a pai payē kua'me nedojaiye kuasia'we'ña, iwa'i yēyepi tia'ñe paiji kua'meneñe, jaje paikēreta'a si'ayē'kēmaka paipi, jaje paina kua'ju'iñe peoye kua'me newe'ña tra' ni, nejē pai'ye baiji, peokua'i pa'ie peoji.

Si'a pai payē kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payē kui'ne ja'ñe pa'yē, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsēcāpēje deo'ye kuasajē baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payē tutu iwai'pi kuasajē tsi'sini neñe, iwa'i yēyere.

Jēña-nēkañua Kajese'e

Si'a pai payē tutu kua pēawājējē pa'ie, siwajē pa'ie ioja'ye kua'mene' ometēkawē tja'seja'ye kui'ne iye pa'ie kato sa'ñeñe pa'iji.

Jēña-nēkañua jētēna

Si'a pai payē mai paiye kadēose'repare, iye pa'yere, mai pai, jujukaiwe'ña kui'ne de'oye paiye sia'ye, aq aiñe, kaña ju'ie, wē'ña pa'ie, juikua'ire jujukaiye kui'ne kuasia'ye, yeke payē kui'ne pa'ye kua'me newe'ña paiwe'ña peoye, juidawē, do'ima'pai, aipē maña, iyese'e paiyeje pani kuasia'ye iwa'i te'owa'i pa'iñeje pa'ye.

Kui'neje pa'ye ētapē kēiwa'i kui'ne tsi mana payē tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payē kui'ne pa'i tuture.

Jēña-nēkañua jētēna te'o

Si'apai payē kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuēje pa'ye kato. Ja'a ye'yewēoye kato ai kuañeñe paijija'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye' yeye kato' kui'ne paiji sia'waire, iq ai do'iko do'ire.

Toyaja'o ye'yeye kato mai pai de'oyerepa pa'ija'ñea'ē, jaje paina toyaja'o kato itirepa'ē sia'we'ña mai kua'ju'ijē pa'ie, de'oye pa'iyē kajē, paire sa'ñe oijē koka kaye, japi pa'ina maj ñese saiye pa'iji, siwajē.

Pēkaja'kēpi ñani tseañe paiji toyaja'o ye'yeye i mamakēre kokaiyere kuasani.

Jēña-nēkañua jētēna kayaye

Mai aipē ukujē paise'e sia paije payē ukuye mai pa'idaripēakē'ro, siwajē mai tsea'ē kuasajē kui'ne tideo'ye paito tia'ñepa'iji.

Si'a pai payē iwa'i yēyepi toyaja'o nesaoye, iwa'i kuasayepi, netijini jaiye toyapēpēa etosaoye, jaje paita'are te'owa'ise'e paye pa'iji iti toyapē akē.

Jēña-nēkañua jētēna- toasone.

Iye maire carepawesose'e kato si'a pai tutu paye pa'iji yekē yejaña kē'roje ñase'repa, jaje paina itirepa pa'ie paiji iye.

Jēña-nēkañua jētēna kajese'e

Si'a pai payē maire kuañese'e mai pa'idaripē kē'ro, maipi de'oye nejē de'oye neto saji mai paiye.

Iye neñañekato mai kēkopayea'ē kui'ne siwajē paiye, kato sia'pai paija'kua'ia'ē toyapē akēpai kase'pi, itikato kanēose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyére kajē sia'we'ña mai yēye pa'yere.

Iye tutukē'ye kato peoji yekua'ipi dekakaiye iti paiye kui'ne iti tsoe yekēwe'ñaje kase'e pa'ito.

Jēña-nēkañua jētēna.

Jare iye kawesosikore jare peoji yekē paipi iwa'i kuasayepi dani nejē neño'o kajē nedojaye, paije te'e pai dani iye kato akēpai tsea'ē kajē kuasia'ye nedojaiye peoji, iye kato tsoe kawesosikore.